



## **Universitätsbibliothek Paderborn**

**De Officio Hominis Christiani In Persecvione Constitvti**

**Lens, Jean de**

**Lovanii, 1578**

Quod Christus Dominus etiam si assumpserit similitudine[m] carnis peccati, non se tamen simulauerit, aut mentitus sit peccatore[m]. Cap. V.

**urn:nbn:de:hbz:466:1-30333**

*Quod Christus Dominus etiam assumpserit similitudinem carnis peccati, non se tamen simulauerit, aut mentitus sit peccatorem.*

## CAPUT QUINTVM.

**H**ie nobis obiecerit quispiam ipsius Christi omnium saluatoris simulationem, & si non verbi, saltē facti & operis utile mendacium: quod videlicet cum peccator non esset, tamen suscepit similitudinem carnis peccati, & tanquam peccator non modō infantulus circuncisus sit, verū etiam postea à Iohanne baptismo pœnitentia baptizatus: omnia vero hæc, ut peccatores ficeret saluos. Quod si ita est, cur non ad similem modum liceat schismatis in obseruatione facti, subire specie ad schismaticos lucrificiendos? Ac propter ipsam quidem peccati similitudinem, in qua de peccato damnasse peccatum diceretur, calumniabantur Pelagiani, dici à Catholicis Christū carnis necessitate mentitum. Sed absit (inquit Aug.) ut iustum aduocatum dicamus, sicut isti calumniantur, *Lib. 3. cap. 2.* Episcopis carnis necessitate mentitum: sed dicimus eum in *stolas pœnitentiarum* similitudine carnis peccati, de peccato damnasse *gianorum* peccatum. Quod fortasse isti (inquit) non intelligentes, & calumniandi cupiditate cœcati, quād diuersis modis peccati nomen in scripturis sanctis ponisoleat, ignorantes, peccatum Christi affirmare nos iactant. Dicimus itaque Christum & nullum habuisse peccatum, nec in anima, nec *Rom. 8.* in carne, & suscipiendo carnem in similitudine carnis peccati, de peccato damnasse peccatum. Quod subobscure ab Apostolo dictum, duabus modis soluitur. Siue quia rerum similitudines soleant earum rerum nominibus nuncupari, quarum similes sunt, ut ipsam similitudinem carnis peccati, voluisse intelligatur Apostolus appellare peccatum. Siue quia sacrificia pro peccatis, peccata appellabantur in lege, quæ omnia figuræ fuerunt carnis

carnis Christi , quod est verum & vnicum sacrificium pro peccatis:his (vt opinor) Augustini verbis docemur , nō sic Christum carnis similitudinē suscepisse , vt se mentitus sit peccatorem : quod si fecisset, nec ipse haud dubiè peccato caruisset, alienæ quantulibet salutis causa factū diceretur. Quāquam enim interest plurium rebus in agendis, qua causa, quo fine, quāue intentione quidque fiat: ea tamen quæ suapte natura constat esse vitiosa (quo in genere mendacium reperitur, siue hoc in verbis, siue in factis insit) nullo bono causæ obtentu, nullo quasi bono fine , nulla velut bona intentione facienda sunt. Sed quis aduocatum nostrum & mediatorē Christum dixerit intentione fallendi carnem suscepisse, carni peccatrici, excepto peccato, persimilem, quò nimirum, expers vitij cum esset,

*Aug. ca. 3. lib. de mē-  
dacio. Et  
eschiridij  
ca. 22. Om-  
nis qui mē-  
ritur (in-  
quit) cōtra  
id quod a-  
nimō sonat  
loquitur  
voluntate  
fallendi.*

aliudq' gerat animo , & aliud verbis siue quibuslibet significationibus enunciet. Sæpe enim mentitur aliquis, etiam si neminem fallat: Sed & multos falli contingit ex eo , quod tamen sine mendacio vel fiat, vel dicatur. Tametsi multos igitur cōspe-  
cto Christo, propter mortalem eius carnē ita falli contigerit, vt peccator esse crederetur: non tamen ut hoc persuaderet, voluit peccatorū esse similis, sed ut peccatores ab eo malo , cuius ipse gerebat quandam similitudinē, liberaret: perinde ac si quis-  
piam militari habitu sumpto, castra ingredieretur, non quo putaretur miles, sed quo suorum quem-  
piam à castris reuocaret, in quibus versari pericu-  
losè videretur. Vt enim non quisquis militi simili-  
lis est, continuo se is militem esse mentitur aut si-  
mulat: ita consequens non est, vt qui peccatoris similitudinem gerat, is se quoque mentiatur aut simulet esse peccatorem. Vt Christum Iudas oscu-  
latus est, ita & Iudam Christus. Similis ex vtraque parte facti species, & in hoc Christus Iudæ similis:

*Amb. super  
illud: Eto.  
sculatus  
est eum.*

sed

sed ille mentitus est se amicum , osculo fallaci amicitiam simulans : Christus autem nec simulauit quod non erat, nec simulare nos docuit, sed noluit proditorem fugisse videri, quin plus etiam afficere & mouere voluit , cui amoris officia non denegauit. Illud quoque attendendum est, nunquam ita se Christum attēperasse ad peccatorū mores , neque ea se peccatoribus similitudine cōiunxit, vt fieret aliquando peccati particeps, eaque ipsa faceret cum hominibus, propter quae sunt & dicuntur peccatores, vt eorū hoc pacto consuleret saluti. Quomodo enim non potius vna peccando , tenuisset in delictis ? quomodo non serò posteā reuocaret, qui prius eadē ipse fecisset ? Contrarijs potius curauit contraria , & similis in multis quae fieri sine peccato poterant, in cæteris præbuit sese dissimilē, nostrisque vitijs suas vbique virtutes opposuit, nostrāque vitia suis semper virtutibus coarguit quodammodo. Nunquid igitur ita peccatorem se Christus iustus simulauit, vt isti schisma, aut heresim, aut idolatriam simulari phas esse, aut etiam oportere arbitratur ? Sociātur enim hi cōmunione operis eius, vnde reuocare se alios posteā posse frustra sperant: nec magis schismaticę separationis aut impij cultus maculā effugere queūt, quam crimen euitaret, qui cū scortatoribus scortaretur, aut cum temulentis se ipse expleret, aut cū furibus aut prædonibus curreret, hoc animo, vt illos posteā ab eiusmodi peccatis auocaret. Iam verò quod & circuncisus est & baptizatus, quanquam neque esset in corde quod circuncisio detraheret, neque quod repurgaret gratia, non mendacium, sed mysterium fuit. Causam quippe nostram ipse suscipiens peccatores in se transfigurauit , vt doceret hoc modo nos ablutione & circuncisione indigere. Hoc igitur facto præsttit, quod Paulus verbo, cum scriberet alios dicere : Ego sum Apollo ; alios , ego Pauli; alios, ego Cephe, non quod ita loqueretur,

D aut ijs

aut ijs nominibus vterentur: Sed hæc (ait Apo-  
stolus) transfiguraui in me & Apollo, vt in nobis  
discatis ne quis aduersus alium infletur pro alio.  
Quanquam persona hæc peccatoris, non in factis  
modo saluatoris nostri, verum etiam interdum in  
verbis spectanda sit. Nā quo alioqui modo dicere  
putandus est quod loquitur in Psalmo: Longe à  
salute mea verba delictorū meorum? Nempe de-  
lictus nostra sua vocat, quod peccatorum causam  
& personam susceperebat. Huius in Davide figura  
præcessit, qui apud Achis regem simulauit amen-

*Lib. I. re-*  
*gum c. 21.*

tiam. Immutauit enim os suum (ait scriptura) co-  
ram eis, & collabebatur inter manus eorum, &  
impingebat in ostia portæ, defluebantque saliuæ  
eius in barbam: vsque adeò vt commotus Achis  
ad seruos dixerit: Vidistis hominē insanum? qua-  
re adduxistis eum ad me? An desunt nobis furiosi?  
Quod Davidis factum, cùm eo refertur ad quod  
præcipue significadum diuinitus ab eo susceptum  
est, mysterium, non facti mendacium esse, sublimi  
quadam consideratione perspicitur. Hic enim ille  
figurabatur, qui propter nos immutatus, stulti-  
tæ & insaniae criminatem non effugit. Ac ge-  
neratim, sicuti annotauit Augustinus, quicquid  
figuratè aut fit aut dicitur, non est mendaciū: quia  
omnis enunciatio ad id quod enunciat referenda  
est. Omne autem figuratè dictum aut factum, hoc  
enunciat quod significat eis, quibus intelligen-  
dum prolatum est. Proinde nec ea fuisse videbi-  
tur mendax simulatio, qua ad sicum tanquā poma  
quæsitūrus accessit: quæ tamen in arbore nulla  
esse, vel ex ipso anni tempore scire potuerat. Cæ-  
terū quod diua Virgo purificationis ceremoniam  
secundum legis præscriptū obseruarit, cum tamen  
ipsa purgatione non egeret, quæ suscepto semine  
non peperit, plus habere videri possit quæstionis:  
eo quod tale quiddam de ea, quale supra de Chri-  
sto diximus, non temerè fortasse videatur esse  
cogit.

*Cap. 5. lib.  
de menda-  
cio.*

ēogitandum : vt videlicet parientium communem personam portauerit, atque significarit in se, qua purificatione indigerent omnes, quæ suscep-  
to nomine parerent, & non sine carnis delecta-  
tione conciperent : sicut in sua persona filius si-  
gnificauit, qua circuncisione indigerent omnes,  
qui non concipiuntur sine voluntate carnis, &  
ideo nec sine peccato nascuntur. propter quod  
dictum est: Ecce enim in iniquitatibus conceptus  
sum, & in peccatis concepit me mater mea. Quan-  
quam si cui hoc probatum sit, non habeam vnde  
facilè reuinatur : præsertim cum dicat Venera-  
bilis Beda : Ut nos à legis vinculo solueremur, si-  
cū Christus, ita Beata Maria legi est sponte sub-  
iecta : non propter se igitur, sed propter nos pu-  
rificationis legem beata Virgo seruauit. Nec vero  
sum nescius esse veteres nonnullos, qui omnem  
hunc purgationis ritum non ad matrem, sed ad  
natum referant : vnde illa sunt apud Leonem E-  
pistola quarta ad Episcopos per Siciliam consti-  
tutos : Dominus (inquit) nullius indigens remis-  
sione peccati, nec querens remedium renascendi,  
sic voluit baptizari quomodo voluit circuncidi,  
hostiamque pro se emundationis offerri : vt qui  
factus erat ex muliere (sicut Apostolus ait) fieret  
& sub lege, quam non venerat soluere, sed adim-  
plere, & implendo finire. Ante Leonem quoque  
vehementer hoc D. Augustinus astruxit in quæst.  
super Leuiticum : Nec vero horum sensum re-  
pudiare quorundam more possimus, sed venerari  
debemus. In eoque nihil patimur nouæ difficul-  
tatis, cùm, quod ad Christum attinet, sic de-  
beat intelligi purificatus, vt & baptizatus, & cir-  
cuncisus. Sed quoniam promptius est, vt de mu-  
lieris purgatione Leuiticus loqui videatur, dici  
poterit aliam seruandæ legis causam Beata Virgo  
sequuta, quam legalem illam carnis emundatio-  
nem, nimirū vt eius temporis sacrificio coleretur

D 2                    Deus,

*Quæst. 40.  
cap. 12.*

Deus, gratiæq; agerentur à puerpera. Adde quod omne sacrificium legis veteris, Christum significauit. Quare & illa emundationis oblatio, præfigurauit Christum, quatenus per eum à carnis concupiscentia repurgamur. Cur igitur non hoc quoque beata virgo veracissimè significaret, cum & 2. de Nati. ipsa inde purgationem traxerit vnde concepit, & Domini. per eum quidem ipsum quem concepit?

*Soluitur obiectio de Naaman Siro,  
& Salomone.*

CAPVT SEXTVM.

4. Regū 5. **M**Queat deinde fortasse quempia de Naamā Siro diuinis literis scripta historia. Is enim cum esset ministerio Helizæi, lepræ contagio liberatus, velletq; in posterū Dei cultor esse, ad quem iam esset repudiata superstitione conuersus, quod eū angere postea potuisset, id voluit prophetæ iudicio terminari: Hoc solum est (inquit) de quo depreceris Dominum pro seruo tuo. Quādo ingreditur dominus meus tēplum Rémon vt adoret, & illo innitente super manum meam, si adorauerō in templo Remmon, adorante eo in eodem loco, vt ignoscat mihi dominus seruo tuo pro hac re. Cui propheta vno verbo omnē scrupulum eximens, respondit: Vade in pace, hoc est, nihil, id si facias, peccaueris. Est enim ridiculum quod annotauere nonnulli, quæstionem propositam noluisse prophetam dissoluere, sed serio Naaman de sua salute percontantem, sine responso, quasi se hic miscere nolle, dimisisse. Nunquid igitur permisisse propheta putandus est huic Siro, vt vñā cū impijs exteriore corporis gestu idola coleret, si tamen de vno Deo fidem corde inclusam retineret? minimè verð. Nam & antea professus erat, se dijs alienis in posterum sacrificia non esse facturū: Non faciet vltra seruus tuus (inquit) holocaustum aut victimā dijs alienis, nisi Domino. Et quo